

Na osnovu člana 13. Zakona o organizaciji i djelokrugu kantonalnih organa uprave i upravnih organizacija („Službeni glasnik Unsko-sanskog kantona“, broj: 9/13; 11/14; 8/15; 16/17; 25/17 i 4/19), te člana 42. stav (1) Zakona o izvršavanju Budžeta Unsko-sanskog kantona („Službeni glasnik Unsko-sanskog kantona“ broj:9/24), a na osnovu Odluke Vlade Unsko-sanskog kantona broj: 03-02-51-830/2024 od 19.6.2024. godine, Ministarstvo obrazovanja, nauke, kulture i sporta raspisuje

JAVNI POZIV

za predlaganje i odabir programa i projekta tekućeg granta – Grant za kulturu, koji će se sufinansirati iz Budžeta Unsko-sanskog kantona u 2024.godini

Član 1.

Sredstva za sufinansiranje programa i projekata dodjeljivati će se u skladu sa Odlukom o kriterijima i postupku dodjele sredstava tekućeg granta – Grant za kulturu, odobrenog u Budžetu Unsko-sanskog kantona za 2024.godinu za oblast kulture, putem Ministarstva obrazovanja, nauke, kulture i sporta Unsko-sanskog kantona.

Član 2.

Transfer za ustanove i udruženja u oblasti kulture – Grant kultura

Ukupan iznos raspoloživih sredstava 200.000,00 KM.

Odabir programa i projekata vrši će se za finansiranje projekata, programa i manifestacij iz oblasti kulture koji doprinose afirmaciji kulturnog i umjetničkog stvaralaštva.

Član 3.

Pravo učešća na javnom pozivu imaju udruženja, mediji, ustanove i druga pravna lica koja se bave pitanjima mladih na području Unsko-sanskog kantona, kao i neprofitne organizacije koje su registrovane u skladu federalnim zakonima, kao i zakonima Bosne i Hercegovine koji obavljaju djelatnost, djeluju i izvode aktivnosti projekta na području Unsko-sanskog kantona, te implementiraju projekte od interesa za mlade na području Unsko – sanskog kantona.

Član 4.

Sredstva granta kulture su namjenska sredstva koja se koriste za finansiranje i sufinansiranje programa i projekata iz oblasti kulture. Sredstva se mogu koristiti i za nabavku

opreme, dijelova opreme i materijalno-tehničkih sredstava neophodnih za ostvarivanje prethodno navedenih zadataka, kao i manju sanaciju i adaptaciju prostora u cilju stvaranja preduslova za rad institucija i udruženja iz oblasti kulture, kao i za provođenje redovnih aktivnosti kandidiranih projekata, programa i manifestacija.

Član 5.

Pravo učešća na javnom pozivu imaju umjetničke organizacije, ustanove i udruženja, fondacije i nositelji programa i projekata u kulturi registrirani za obavljanje djelatnosti u oblasti kulture, koji obavljaju djelatnost, djeluju i izvode aktivnosti projekata na području Unsko-sanskog kantona. Odabir programa i projekata vršit će se u skladu sa usvojenim općim i posebnim kriterijima.

Član 6.

(I) Odabir programa i projekata vršit će se u skladu sa općim i posebnim kriterijima.

a) Opći kriteriji:

KRITERIJ	BODOVI
1. Kvalitet kandidiranih programa i projekata i njihov doprinos razvoju kulture, promociji i afirmaciji svih oblika kulturnog stvaralaštva	5 - 10
2. Ravnomjerna zastupljenost svih oblasti kulturnog stvaralaštva (likovna, muzička, filmska, pozorišna, književna i sl.)	5

b) Posebni kriteriji:

KRITERIJ	BODOVI
1. Manifestacije, programi i projekti institucija i udruženja kantonalnog nivoa i značaja	- Projekti na nivou općina/gradova (1-5) - Projekti na nivou kantona (5-10)
2. Podrška programima i projektima koji imaju kontinuitet i tradiciju	- Projekti, programi i manifestacije za svaku godinu trajanja 1 bod (maksimalan broj bodova po ovom osnovu iznosi 10)

3. Doprinos projekta uspješnom prezentiranju i afirmaciji Unsko-sanskog kantona u zemlji i inostranstvu	<ul style="list-style-type: none"> - Programi, projekti i manifestacije lokalnog, kantonalnog i državnog značaja (1-5) - Programi, projekti i manifestacije internacionalnog značaja (5-10)
4. Uspjesi na međunarodnom i domaćem planu	<ul style="list-style-type: none"> - Nagrade lokalnog i državnog karaktera BiH (1-5) - Nagrade internacionalnog karaktera (5-10)
5. Značaj manifestacije ili programa za kulturni život lokalne zajednice	<ul style="list-style-type: none"> - Nagrade, priznanja, preporuke lokalne zajednice (1-5) - Nagrade, priznanja i preporuke viših nivoa vlasti (5-10)
6. Primarna podrška programima i projektima koji imaju podršku lokalne zajednice i osigurano finansiranje	<ul style="list-style-type: none"> - Projekti, programi i manifestacije koji imaju osigurano sufinansiranje (za svakih 10% sufinansiranog iznosa 1 bod)

Član 7.

Prije donošenja konačne odluke o odabiru, Komisija zadržava pravo zatražiti dodatna pojašnjenja projekta od aplikanta.

Aplikanti koji nisu ispunili formalno-pravne uslove, odnosno čije su prijave u suprotnosti sa članom 8. ovog Javnog poziva i aplikanti čiji projekti, u skladu sa stručnom ocjenom Komisije, nisu odobreni za finansiranje iz sredstava tekućeg granta- Grant za kulturu bit će o tome obaviješteni.

Obavijest o dodijeljenim sredstvima, nepotpunim i neblagovremenim prijavama objavit će se na web stranici Vlade USK-a – www.vladausk.ba.

Protiv obavijesti iz stava 2. ovog člana aplikanti mogu podnijeti prigovor Ministarstvu obrazovanja, nauke, kulture i sporta u roku od 3 dana od dana objave.

O prigovoru odlučuje ministar Ministarstva obrazovanja, nauke, kulture i sporta.
Odluka o prigovoru je konačna.

Član 8.

Podnosioci zahtjeva dužni su dostaviti sljedeću dokumentaciju kako bi dokazala ispunjavanje uslova:

- a) popunjena, potpisana i ovjerena prijava na aplikacijskom obrascu,
- b) Uvjerenje o poreskoj registraciji (identifikacioni broj – ID broj),
- c) Obavještenje o razvrstavanju pravnog lica prema djelatnosti (služba za statistiku),
- d) kopija ugovora sa bankom o otvaranju transakcijskog računa,
- e) detaljan projekt ili program za koji se traži sufinansiranje,
- f) Financijski plan projekta s izvorima prihoda i očekivanim rashodima (popunjen obrazac za budžet projekta, koji je sastavni dio ove Odluke),
- g) Preporuka nadležne općinske/gradske službe s potvrdom o iznosu sufinansiranja, ukoliko je posjeduju,
- h) nagrade, priznanja, preporuke projektima, programima i manifestacijama lokalnog, državnog ili internacionalnog karaktera.

Svi dokumenti prilažu se u originalu ili ovjerenoj kopiji koja ne smije biti starija od 3 mjeseca računajući od dana objavljivanja javnog poziva.

Projekat (ovjeren i potpisan od strane podnosioca) dostavlja se na posebno propisanom obrascu. Neće se uzeti u razmatranje prijave aplikacija dostavljene po ovom Javnom pozivu koji su prethodnih godina dobili sredstva iz Budžeta Unsko-sanskog kantona, a nisu ispunili obavezu pravljanja i izvještavanja.

Član 9.

Prijava za dodjelu sredstava odnosno finansiranje/sufinansiranje projekata, posebno za svaki predloženi projekat, podnosi se na posebnom obrascu koji se preuzima sa stranice Ministarstva www.vladausk.ba, ovjerenom i potpisanom od strane odgovorne osobe i koji mora sadržavati:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta, telefon)
- b) naziv projekta (ne više od 8 riječi)
- c) lokaciju implementacije projekta

- d) ukupan budžet projekta i izvore finansiranja
- e) sažetak projekta
- f) opći cilj i specifične ciljeve projekta
- g) relevantnost projekta
- h) očekivane rezultate
- i) projektne aktivnosti po fazama i vremenski okvir
- j) održivost projekta
- k) partnere na projektu (ukoliko ih ima)
- l) budžet projekta (Aneks 1)
- m) detalje o sufinansiranju (ukoliko postoje vlastiti ili drugi izvori finansiranja)
- n) opis organizacije aplikanta
- o) broj žiro računa i naziv banke kod koje je otvoren račun.

Svi aplikanti po javnom pozivu mogu dostaviti samo jedan projektni prijedlog.

Član 10.

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redoslijedu.

Projekti se dostavljaju u zatvorenoj koverti (A4 format) sa naljepnicom na koverti (umjesto adrese zalijepljen popunjen obrazac aplikanta koji se nalazi na web stranici Ministarstva: www.vladausk.ba.)

Član 11.

Neće se uzeti u razmatranje prijave aplikanta dostavljene po javnom pozivu:

- a) čija prijava je neblagovremena (dostavljene nakon proteka roka određenog javnim pozivom)
- b) koji ne dostave kompletnu dokumentaciju koja se traži javnim pozivom
- c) koji dostave projekte usmjerene na oblasti suprotno onim koje su određene u javnom pozivu
- d) koji ne razrade projekat u skladu sa članom 9. ovog Javnog poziva
- e) koji za svaku stavku nabavki iz Budžeta projekta veću od 2.000.00 KM ne prilože predračun
- f) koji su prethodnih godina dobili sredstva od ovog Ministarstva, a nisu ispunili obavezu pravdanja i izvještavanja

- 7) neprofitnih organizacija čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 30 % ukupnog budžeta projekta.

Član 12.

Prijave dostavljene nakon isteka roka iz Javnog poziva vraćaju se aplikantu neotvorene, a sve ostale prijave zajedno sa pratećom dokumentacijom ne vraćaju se aplikantu.

Član 13.

Popunjenu, potpisanu i ovjerenu prijavu sa svim potrebnim prilogima naznačenim u Javnom pozivu slati na adresu: Ministarstvo obrazovanja, nauke, kulture i sporta Unsko-sanskog kantona, Alije Đerzeleza broj 6 Bihać, sa obaveznom napomenom: **Prijava na Javni poziv – Grant za kulturu - ne otvaraj.**

Rok za podnošenje prijava je petnaest (15) dana od dana objave Javnog poziva.



Broj: 10-11-8165-1/24
Bihać, 27.6.2024. godina